



学生时代的记忆,除上课、考试、情窦初开,仲有学校门口那条永远食唔厌嘅“美食街”。放学回家解总慢慢吞吞?其实就係约埋同学仔,从街头食到街尾,一路食住返屋企!无论几多年后谈起,都係令人怀念的一段小时光!

左惠文/文 左惠文、奕习生 陈晓彤/图

好久不见! 学校旁边嘅“美食街”



西华路:老西关小食食唔厌

西华路,好多为食猫都会去觅食嘅一条路,同时,你知唔知佢收埋几家学校校友嘅回忆?广州市八一希望学校、南海中学、广州市第四中学、第八十二中学……都喺呢条路路面或内街!品牌林立嘅茶店、小吃店,浓浓嘅市井生活味道,对于好多同学仔而言,这条路充满青春嘅回忆。

重通线路:西至广雅实验学校、流花湖公园西门,东至光孝寺、敬梓里文创社区。
交通指引:乘坐地铁至陈家祠站或西门口站,骑车可达。



食盆碗仔翅
必吃:人比花娇翅、椰皇冻
一碗料多味香嘅正宗碗仔翅,一勺舀下去,鱼翅、花胶、北极贝印入眼帘;送入口中,浓郁粘稠嘅汤汁令人回味无穷。配上Q弹嘅双层椰皇冻,晶莹剔透,椰香四溢,细腻顺滑,入口即化。睇见都食指大动!



诚成煎饺
必吃:冰花煎饺
将馅料饱满嘅煎饺倒入锅中,底部煎至金黄,呈现出雪花嘅模样,一盘别具匠心嘅冰花煎饺便出炉啦。啱出锅嘅煎饺,一啖咬下去,能够听见“咔嚓咔嚓”嘅声音。皮脆肉嫩,搭配秘制辣酱更是一绝。



哥林多
必吃:芝士蛋三明治
美好的一天,从早餐开始!想寻求方便又割舍不下美味,咁怀旧家庭版三明治就啱晒你。保温柜里摆放着新鲜出炉嘅三明治,现烤出来,味道极好。讲究口味要趁早,去迟咗就买唔到最心仪嘅啲啦!



沙湾甜品食馆
必吃:香芋绿豆沙、什果奶冰
一家致力于做传统广式手工糖水嘅老字号糖水铺,入店就能见到甜品 menu 铺满一整面墙。最受学生欢迎莫过于什果奶冰,果肉与奶汁嘅缤纷碰撞,斋睇都令人身心舒畅。香芋绿豆沙都唔差,软糯嘅芋头和绵密嘅绿豆沙,係夏日解暑嘅好搭档。



同福路:深藏美食嘅百年老街

建于1926年嘅同福路,沿路遍布着充满特色嘅中式骑楼建筑。留心观察,能睇到墙壁上用点装饰嘅雕花雕,以及楼柱上流露出满满岭南气息嘅浅浮雕。这条路唔啱就在市三十三中、南武中学、同福中路第一小学等学校附近,悠久历史嘅背后,还隐藏着吸引学子们嘅美味。

重通线路:与沙面公园隔江相望,横穿市三十三中、南武中学等多所学校。
交通指引:乘坐地铁至同福西站或市二宫站,步行可达。



炸加姨
必吃:经典炸串
炸加姨奶茶美食,係南武中学“后食堂”一般嘅存在。因为店面地处学校周边,又经常给学生做炸物,老板娘被亲切地称呼为“炸姨”。即使係暑假,店内亦不乏学生堂食身影。数十种炸物小吃,涮上独家“炸姨酱”,吃一次就能让人心心念念。



糯米公司
必吃:草莓糯米糍
巴掌大小嘅糯米糍,里面嘅水果馅料却十足。新鲜现做,鲜甜多汁。裹上软糯Q弹嘅糯米皮,更是甜入心扉。



葵芳甜品
必吃:芒椰红豆小丸子、糖不甩、三酱猪肠粉
出品稳定,糯到入心,简直係甜品爱好者嘅心头宝。包裹着红豆和小丸子嘅芒椰红豆小丸子,一大杯超满足。糖不甩口感香滑软糯,洒上花生芝麻粒,甜而不腻。花生酱香口,柱侯酱浓稠,酱油咸甜适中,滑滑嘅猪肠粉搭配三酱混合,恰到好处唔会腻。

重庆

旅行小tips:
①6-8月多雨,天气热,记住准备好防晒雨具。
②重庆道路上落坡比较多,最好着舒服防滑运动鞋。
③疫情期间要提前系微信或者支付宝注册好“重庆健康出行一码通”。



洪崖洞
洪崖洞拥有2300多年历史,以最具巴渝传统建筑特色嘅“吊脚楼”风貌为主体,依山就势,沿崖而建。但被称为现实版嘅“千与千寻”,係重庆夜景最佳观赏地之一,亦係逛山城老街、观赏两江风光、品尝当地美食嘅好去处。每到夜晚降临,灯火通明,逆光相更有大片效果。
Tips:亮灯时间为18:00-23:00,可以步行2min去千厮门大桥,果度可以影到洪崖洞全景,效果一绝。

长江索道

长江索道係重庆第二条跨江索道,被誉为“万里长江第一条空中走廊”和“山城空中公共汽车”,亦系《疯狂的石头》、《舌尖上的中国》等多部影视作品取景地。
Tips:开放时间为7:30-21:30,可以从上新街索道站往新华路索道站方向乘坐,乘客会少好多,比较容易占据景观更好嘅窗边位。



李子坝轻轨站

重庆最出名嘅轻轨穿楼又点可以错过?但系国内第一座与商住楼共建共存嘅高架车站,又被称为“开往春天嘅列车”,坐定找好时机同列车咔嚓合照先。



皇冠大扶梯

这里係亚洲第二长嘅一级提升坡地大扶梯,《少年嘅你》中小北默默守护陈念,跟着陈念上下学嘅场景係唔係好熟悉呢。



街头随手拍

其实唔止网红打卡点可以出大片,好多街头都可以捕捉到令人惊喜嘅画面。

鹅岭二厂

经过改造嘅重庆印刷二厂,保留咗独栋旧楼原有嘅风貌,又加入咗现代设计艺术风格,新老糅合,独具魅力,经过《从你嘅全世界路过》热播,呢度更加变成最hit嘅打卡点。傍晚时分天台露台日落超级惊艳,大片分分钟到手。



八一好吃街

八一好吃街係重庆最有名嘅美食街之一,亦係重庆地道美食聚集地,山城汤圆、好又来酸辣粉、东山钵钵鸡等等美食,以辣制辣,包你吃到走不动。

十八岁卜卜脆,高考完梗系要约埋啲 friend 一齐出去玩个够啦~,而重庆、长沙呢两个热门城市就啱晒大家嚟翻一场火辣辣嘅毕业旅行!今期Color已经搜罗好嘅两个地方嘅旅游小tips,打卡景点、出片旺地、最佳观景时间通通有齐,想影翻特别嘅个人大片就咪走鸡啦!

实习生 陈晓彤/文 陈晓彤、受访者/图

来一场火辣辣的毕业旅行!


长沙



橘子洲头
“独立寒秋,湘江北去,橘子洲头。”嚟到长沙又点可以唔到橘子洲头呢,梗系要同毛主席雕像同个框先算不枉此行啦。
Tips:记得提前三天在“岳麓山橘子洲旅游区”公众号预约。

长沙IFS

作为目前长沙新嘅地标、湖南省第一高楼,IFS可以话系最火嘅打卡地了。除咗同空中花园嘅KAWS铜制雕塑合照之外,附近仲有国金街、黄兴街可以逛,几百个品牌任你拣,吃喝玩乐集于一体。



梅溪湖国际文化艺术中心

唔知大家仲记得《声入人心》梅溪湖三十六子,这里就是节目拍摄地。这座建筑系建筑大师扎哈嘅作品,因外观被誉为“梅溪湖畔盛开嘅芙蓉花”,无论内外都极具设计感,想要出大片唔唔话咁易?



旅行小tips:
①提前下载好长沙地铁APP,进出站就不用排队买票了,出行更加方便。
②关注“茶颜悦色”公众号,生日可得一张免费饮品券。
③关注“湖南省居民健康卡”公众号,填写防疫健康码,出行景点和车站都需要。

文和友

讲到文和友,大家应该都唔陌生,行入去仿佛穿越时光,仲有好多长沙本地知名小吃入驻,可以体验老长沙生活,情怀复古feel满分。



温馨提示:防控疫情期间最好坐定家屋企,做好个人防护措施,不妨先上网做下攻略,欣赏晒相下眼福先,等抗疫成功再去玩餐餐饱未迟!

美食 TIME

除咗影大片之外,最紧要梗系满足个嘴啦,流口水时间到!出晒名茶颜悦色,一日三杯都不为过!到肆姐牛肉粉嗦个粉,nice!来都来了,地道湘菜都要试下,虽然睇到啲辣椒就知道有几辣辣,但係越食越爽,包无后悔!

